



Txheem Lus Rau Cov Muag Zaub Muag Khoom Tom Minnesota Cov Farmer's Market

Daim ntawv no muaj lus qhia txog tej txheem lus rau tej kiab khw thiab neeg muag khoom ua raws nraim li Governor Walz Executiver Order 20-04 cov lus qhia kom kaw tej lab noj mov, tej lab haus dej cawv thiab lwm cov lag luam uas tibneeg nqhuag mus tej pab coob coob. Tej kiab khw muag zaub Farmer's Market tsis tas ua raws li cov lus no yog tias lawv tsis muag khoom noj hauv lub khw (suav nrog kev saj zaub mov noj). Kuj xav kom cov kiab khw no muaj qhov chaw tibneeg tsav tsheb los yuav khoom (drive throughs), cais deb li 2 dag (6 feet) ntawm lwm tus, thiab txhawb kom neeg ntxuav tes.

Ntxiv thiab, rau lub sijhawm tibneeg kis tus kab mob COVID-19 thooob qab ntuj, lub Minnesota Department of Agriculture yuav tsis kom tej kiab khw yuav daim lais xees ua zaub mov (food license) yog tias qhov laj thawj yog lub kiab khw tau hloov nws lub khw los ua raws li tus nom hauv xeev tej kev cai nyob hauv Executive Order 20-04. Thaum tus kab mob COVID-19 dua mus lawm thiab lub kiab khw tseem xav qhib ces lub kiab khw ntawd yuav tsum mus yuav ib daim lais xees.

Tej Txheem Lus Rau Cov Kiab Khw

Ntsuas seb lub khw teeb mus li cas; xyuas seb puas muab teeb txawv kom kem tau muaj 2 dag hauv nruab nrab thiab kom tibneeg tsis txhob sib sau nyob ua ke ntev ntev. Cov hauv qab no yog tej lus los ntawm cov kiab khw farmer's market nyob thooob Tebchaws Mekas:

- Sim seb puas muaj tej chaw rau tibneeg tsav tsheb tuaj yuav khoom lossis tuaj nqa cov khoom lawv yuav tau ua ntej
- Kem kom cov rooj muag khoom no nyob li 2 dag hauv nruab nrab ntawm ib leeg ib lub rooj
- Tso ib lub rooj tawm hauv ntej rooj tso khoom noj zaub; siv lub rooj hauv ntej no los ua lub txais nyiaj ntawm cov neeg yuav khoom
- Ua kom cov kem taug kev dav tshaj qub ntawm cov rooj muab khoom
- Muab ntaub nplaum/sau cim qhia tias 2 dag deb npaum cas rau hauv av cov neeg yuav khoom thiaj li paub sawv tos thiab cais tsis txhob mus ze lwm tus
- Tos [tej dab ntxuav tes](#) nyob tom qhov rooj nkag, kom txhua tus uas nkag tuaj rau lub khw ntxuav lawv txhais tes
- Tsim tej kem ib puag ncig koj lub lab, txwv qhov tibneeg nkag thiab tawm tau (muab laj kab thaiv, ntaub nplaum, hlua thaiv los tau)
 - » Rhais paib nrog qhov kem rooj nkag nrog ib daim paib uas sau hais tias "Please enter through the entrances with the handwashing stations." (Thov nkag mus rau lub qhov rooj uas muaj lub dab ntxuav tes.)
- Yog tias ua tau, txwv kom tsis txhob muaj neeg coob nkag mus rau hauv lub khw rau ib lub sijhawm twg.
- Rhais paib kom ntau tom lub khw, xav seb puas siv cov paib li hauv qab no:
 - » Wash your hands >>> here is the handwashing station. (Ntxuav koj txhais tes >>> no yog ib lub dab ntxuav tes.)
 - » Maintain 6' distance. (Tswj cais kom deb li 2 dag ntawm lwm tus.)

- » Sorry – no mingling! (Thov txim - txwv tsis pub ua ib pab ib pawg!)No handshaking! (Tsis pub tuav tes!)
- » Please no onsite consumption of food – take home only (Thov tsis pub noj zaub mov hauv khw no - tsuas pub nqa mus noj tom tsev xwb)
- Ntiav neeg ntau tuaj ua haujlwm/cov pab dag zog los tswj xyuas seb cov neeg tuaj kom ntxuav tes thiab tswj tsis pub ua ib pab ib pawg rau qhov twg
- Sim seb puas txwv kom tau txhob pub neeg tuaj coob coob.
 - » Puas muab cov kev taug no ua kom tibneeg sawvdaws taug mus tib txoj kev, kom thiaj li tsis muaj neeg taug kev hla phoom lawv li ntawm 2 dab ntawd?
- Yuav pab txo kom tsis txhob muaj neeg tuaj coob coob thiab kom tseem muag tau khoom tibi, yuav tsum kom cov neeg yuav khoom auv dawm ua ntej (pre-order).Kuj tsim ib thaj chaw rau tibneeg tsav tsheb tuaj nqa cov khoom lawv auv dawm ua ntej lawm.
 - » Kom tibneeg yuav khoom thiab them tau tibi hauv online lawv thiaj li tsis tau sib ntsib tim ntsej tim muag
 - » Sim tsim tsa tej hnuv lossis qhov chaw txawv rau tibneeg tuaj nqa tej khoom lawv auv dawm ua ntej

Tej Txheem Lus Rau Cov Neeg Muag Khoom

- Sim muab tej txiv hmab txiv ntoo, zaub, thiab lwm yam ntim ua tej pob kom cov neeg yuav khoom tsis txhob ntsauv nyob ntev ntev
- Yog tias ua tau, txhawb kom cov neeg yuav khoom auv dawm ua ntej thiab ntej hauv online.Qhov no yuav pab cov neeg yuav khoom tuaj mus nrawm
- Sim muaj ib lub dab ntxuav tes rau txhua lub rooj muag khoom
- Tso ib lub rooj tawm hauv ntej rooj tso khoom noj zaub; siv lub rooj hauv ntej no los ua lub txais nyiaj ntawm cov neeg yuav khoom
 - » Qhov no yuav kem kom nruab nrab deb li 2 dag, thiab pab cheem kom cov neeg yuav khoom tsis txhob kov raug tej khoom
 - » Zoo rau tus neeg muag khoom ntim cov khoom no tso rau tus neeg yuav khoom lub hnab lossis thoob ntim khoom uas yog nws tib leeg thiaj yog tus kov xwb

Yog tias cov neeg yuav khoom nqa lawv ib lub hnab tuaj, ces cia lawv mam li ntim lawv khoom zaub tso rau hauv lawv lub hnab
- Tsuas muaj tsawg kawg los 2 tug neeg hauv ib lub rooj muag khoom: ib tug yog tus txais cov nyiaj them; hos tus thib ob yog tus tso khoom txawb muag.Yog tias ua tsis tau, yuav tsum ntxuav tes lossis ntxuav tiv thaiv kab mob ntawm tes (sanitize) thaum hloov mus ua ib yam tshiab twg.
- Tej tsheb ua mov noj thiab cov ua khoom noj yeej qhib tau yog tias lawv tsuas ua mov rau tibneeg nqa mus noj tom tsev xwb.Txhawb kom cov neeg yuav khoom auv dawm ua ntej.

Tej Txheem Lus Ntxuav Tiv Thaiv Kab Mob Hauv Kiab Khw thiab Rau Cov Muag Khoom

- Sim xyuas seb puas muaj ib txoj kev twg los ntxuav tu (sanitize) tej nyiaj xees yuav zaub noj (market tokens) kom tsis txhob muaj kab mob, lossis sim lwm txoj kev los txwv kev siv nyiaj ntsuab los them cov khoom yuav lossis tim ntsej tim muag (xws li so daim npav nyiaj muas noj SNAP).Sim muab tej tub rau nyiaj them nyiaj (point-of-sale equipment) ntxuav tiv thaiv kab mob txhua lub sijhawm tom qab ib tug twg siv tag
- Ua raws li cov txheem lus los ntawm CDC los tu kom huv thiab ntxuav tawm kab mob: [Kev Tu Ntxuav Tus Kab Mob COVID-19 Raws Li Pom Zoo Los Ntawm CDC](#)
- Teem sijhawm los mus ntxuav tiv thaiv kab mob rau txhua qhov chaw uas neeg kov: tej rooj, tej dab ntxuav

tes, tej pob qhov rooj, tshaub soj daim npav nyiaj, pob thawb tso khoom, thiab lwm yam neeg nqhuag kov raug.

- Teem sijhawm los mus ntxuav tiv thaiv kab mob rau txhua qhov chaw hauv chav dej yog tias ua tau, thiab nqhuag mus rov txhab xaub npum ntxuav tes, tshuaj pleev tes tua kab mob, thiab ntaub so quav.
- Teem sijhawm los mus rov txhab dej, xaub npum ntxuav tes, ntaub so tes tom tej dab ntxuav tes, thiab muab tej ntaub thiab dej siv tag pov tseg.
- Siv tej rooj tog thiab ntaub pua rooj uas muab ntxhua tau thiab ntxuav tiv thaiv tau kab mob (vinyl, yas; txhob siv ntaub lossis ntoo) thiab teem sijhawm los mus ntxuav tu tej rooj no los tiv thaiv kab mob tom khw.
- Nqa ib poob tshuaj tua kab mob uas tov haum tshuaj los txuag ntxuav ub no thiab tej ntaub ntxuav tes los mus ntxuav tej twj tais siv
- Siv tej tshuaj uas tau kev pom zoo los ntawm EPA los tua kab mob vais lav thiab cab:
 - » Cov khoom pom zoo siv los ntxuav tawm kab mob los ntawm EPA's Registered Antimicrobial Products for Use Against Novel Coronavirus SARS-CoV-2, the Cause of COVID-19 (<https://www.americanchemistry.com/Novel-Coronavirus-Fighting-Products-List.pdf>)
 - » Cov khoom pom zoo siv los ntxuav tawm kab mob los ntawm American Chemistry Council Center for Biocide Chemistries - Novel Coronavirus (COVID-19) Fighting Products (<https://www.americanchemistry.com/Novel-Coronavirus-Fighting-Products-List.pdf>)
 - » Ua raws tej lus qhia ntawm tus tsim pob tshuaj ntawd seb yuav siv tu thiab ntxuav tawm kab mob li cas (xws li muab tov li cas, siv pleev li cas, tso tom kab mob ntev npaum cas, thiab kev siv tej khoom twj los tiv thaiv tus kheej, thiab tsis txhob muab tej no los sib xyaw ua ke!)
 - » Tsis yog txhua cov tshuaj yuav zoo siv los tu tej rooj uas siv los npaj ua zaub mov

Tej Txheem Lus Rau Cov Neeg Ua Haujlwm Hauv Kiab Khw thiab Muag Khoom

- Cov neeg ua haujlwm uas mob lawm (nrog rau cov neeg muag khoom) yuav tsum tsis txhob tuaj rau tom lub kiag khw
- Txhawb kom cov neeg ua haujlwm cais deb ntawm lwm tus thiab tsis txhob mus ntsauv ua ib pab ib pawg thaum yog hnuv lub khw qheb, kom thiaj li tsis mus kis tau kab mob vais lav
- Teem sijhawm rau cov neeg ua haujlwm los mus ntxuav tes thiab ntxuav tiv thaiv lawv tej khoom siv lub sijhawm thaum khw qheb
- Ncuav sijhawm noj mov thiab caij so lossis ntxiv ib qho chaw dav rau neeg so haujlwm kom thiaj li tsis nqaim thiab cais tau deb ntawm lwm tus
- Sim tsim tsa ib cheeb tsam uas cov neeg ua haujlwm noj tau mov. Qhov no yuav yog ib cheeb tsam sab nraum lub khw ntawm tej rooj seem los tau (cov neeg ua haujlwm hauv lub kiab khw noj tau mov rau hauv)
- Hais kom cov neeg ua haujlwm cov ntsoov ntxuav lawv txhais tes ua ntej thiab tom qab lawv noj mov tag